

◎大南高僧傳

▲無言通禪師

無言通禪師本廣州人也。姓鄭氏。少慕空學。不治家產。婺州雙林寺受業處。性沈厚。寡言默識。了達事體。故時人號無言通。傳燈曰。不語通常。一日禮佛次。有禪者問座主禮甚麼。師云。禮佛。禪者指佛像云。祇這個是甚麼。師無對。是夜具威儀就禪者禮拜。問曰。嚮之所問。未審意旨如何。禪者云。座主出家以來。經逾幾夏。師云。十夏。禪者云。還曾出家麼。也未。師轉茫然。禪者云。若也不會。百夏何益。乃引師同參馬祖。及抵江西。而祖已示寂。遂往謁百丈淮海禪師。時有僧問如何。是大乘頓悟法門。丈云。心地若空。慧日自照。師於言下有得。乃還廣州和安寺住持。有人問師是禪師否。師云。貧道不曾學禪。良久便喚其人應諾。師指棕櫚樹。其人無對。仰山禪師作沙彌時。師嘗喚云。寂子。爲我將牀子到。仰將牀子來。師云。返還本處。仰從之。又問寂子那邊有甚麼。曰。無物。這邊怎麼。曰。無物。師又問。仰應諾。師云。去。唐元和十五年。庚子秋九月。師來我國仙遊縣扶董鄉建初寺。卓錫飯粥之外。禪悅爲樂。兀坐面壁。未常言說。累年莫有識者。獨寺僧感誠尤加禮敬。奉侍左右。密扣玄機。盡得其要。一日無疾沐浴。易服。召感誠曰。昔吾祖南岳讓禪師歸寂時。有云。一切諸法皆從心生。心無所生。法無所住。若達心地。所作無礙。非遇上根。慎勿輕許。言訖。合掌而逝。感茶毘。收舍利塔于仙遊山。時唐寶曆二年丙午正月十二日。我越禪學自師始之。

●感通禪師

感通禪師仙遊人也。未詳姓氏。初出家。道號立德。居本郡仙遊山。持誦爲業。鄉豪阮氏高其德行。欲

大南高僧傳

批八

捨宅爲寺。延致居之。往以情扣。師不許。師夜夢神人告曰。苟從阮志。不數年間。大得吉祥。師乃應其請。扶董鄉建初寺。始於此。未幾通禪師適至。師知其非常人。旦夕服事。未常敢怠。通感其誠懇。遂以感誠名之一日。謂師曰。昔世尊爲一大事。因緣出現於世。化緣周畢。示入涅槃。如此妙心。名正法眼。藏實相。無相三昧。法門親付弟子。摩訶迦葉尊者爲初祖。世世相傳。至達磨大師自西而來。跋涉險危。爲傳此法。遞至六祖曹溪。得於五祖所授。達磨初至。人未知信。故以傳衣以明得法。今信已熟。衣乃爭端止於汝身。不復傳也。於是以心傳心。不授衣鉢。時南岳讓禪師首得其傳。讓授馬祖。一一授百丈海。吾於百丈得其心法。久響北方。慕大乘者衆。是以南來求善知識。今與汝遇。蓋宿緣也。聽吾偈云。諸方浩浩。妄自喧傳。謂吾始祖。親自西天。傳法眼藏。曰謂之禪。一花五葉。種子綿綿。潛符密語。千萬有緣。咸謂心宗清淨本然。西天此土。此土西天。古今日月。古今山川。觸塗成滯。佛祖成冤。差之豪釐。失之百千。汝善觀察。莫賺兒孫。直饒問我。我本無言。師於言下領悟。常有僧問。如何是佛。偏一切處。迷云。如何是佛心。師云。不曾覆藏。進云。學人不曾。師云。蹉過了也。後無疾而逝。時唐咸通元年庚辰歲也。

★定禪師會善禪師

定禪師善會禪師。超類縣典冷人也。蚤依本鄉東林寺僧漸源出家。自號祖風。徧遊方外。求學禪要。後遇建初寺僧感誠。便委身事之。一十餘年。略無倦色。嘗一日入室。問曰。教中道釋迦如來因地修行。歷三阿僧祇劫。始得成佛。今大德每謂卽心卽佛。某甲未明。願一開示。誠曰。教中是什麼人說。師云。吾住世四十九年。未嘗說一字與人。且古道德。尋文取證者。益滯苦行求佛者。俱迷離心求佛。

者外道。執心求佛者如魔。誠云。如是則此心是那個。不是佛者爲魔。師云。如是則此心是那個。佛。誠曰。昔有人於馬祖問。卽心卽佛。那箇是佛。祖云。汝疑那個不是佛。指出看。其人無對。祖云。達卽徧境。不悟。永乖疎。祇遮話頭。汝還會麼。師於言下應云。某甲會也。誠曰。汝作麼生會。師云。徧一切處無非。佛心。便禮拜。誠曰。直須與麼。因以善會名焉。後於本寺示寂。時唐光化三年庚申也。

●雲峯禪師

昇龍京開國寺雲峯禪師。一名主峯永康郡慈廉人也。阮氏母懷娠時。齋素持經。生而神光照室。雙親感異。許以出家。及長。師事超類善會禪師。爲人室弟子。密扣玄機。禪學日益。會嘗謂師云。生死事大。直須打底。師問云。生死到來如何。迴避會云。管取無生死處迴避。又問如何。是無生死處。會云。於生死中會取始得。師云。作麼生會。會云。你且去。日暮卽來。師便如期果至。會云。待期明日。衆與汝證明。師豁然省悟。禮拜會云。汝見甚麼道理。師云。某甲領也。會云。汝作麼生。師豎拳云。不肖遮箇會。便休。以後周顯德三年丙辰示寂。

▲佛陀寺匡越大師

大師常樂吉利鄉人。姓吳名真充。一名真流吳順帝之裔。狀貌魁偉。志尙倜儻。少業儒。及長。歸釋。與同學住持投開國雲峯受戒。由是該覽典墳。探頤禪要。年四十名震于朝。丁先皇帝召對稱旨。拜爲僧統。太平二年。賜號匡越大師。繫大行皇帝尤加敬禮。凡朝廷軍國之事。師皆與焉。常遊平虜郡衛靈山。悅其景致幽勝。欲構庵居之。夜夢神人身披金甲。左執金鎗。右擎寶塔。從者十餘輩。狀貌可怖。來謂之曰。吾卽毘沙門天王。從者皆落叉也。天帝有勅。令往此國護其疆界。使佛法興行。於汝有緣。故來。

大南高僧傳

三十

相托。師驚悟。聞山中有呵喝聲。心甚異之。及旦入山。見一大木長十丈許。枝幹繁茂。又有瑞雲覆蔭其上。因命工伐取。如夢中所見刻像祠焉。天福元年。宋兵入寇。帝素聞其事。命師就祠禱。虜軍驚駭。走保友寧江。又見風濤震蕩。蛟龍騰躍。虜乃奔潰。七年。宋人阮覺來聘。時法師杜順亦有盛名。帝命變服爲江令。迎於江面。覺見其善於文談。以詩贈之。有「天外有天應返照」之句。帝以示師。對曰。此尊陛下與其主不異。覺還。師作詞曰。王郎歸送之。其詞曰。一祥光風好。錦帆張。神仙復帝鄉。千重萬里涉滄浪。九天歸路長。人情慘切對離觴。攀戀使星郎。願將深意爲南疆。分明報我皇。尋以衰老辭歸。還本郡。遊戲山創寺住持。學者輻輳。一日入室。弟子多寶問云。如何是學道始終。師云。始終無物妙虛空。會得真如體自同。寶云。如何保性。師云。無汝下手處。進云和尚道了也。師云。汝作麼生會。寶便喝。李朝順天二年二月十五日將告示寂。寶偈云。木中元有火。有火火還生。若謂木無火。鑽燧何由萌。偈畢。跌跏而逝。壽五十有二。或云壽七十九

◎多寶禪師

禪師不知何許人。亦莫曉其姓氏。住仙遊扶董鄉建初寺。時匡越大師於開國寺闡化。師預參學。大師嘉其臨機穎悟。處事謹恪。獨許入室。得法之後。惟一瓶一鉢逍遙物外。後得建初寺居焉。李太祖潛龍時。師見其英姿秀異。謂曰。此兒骨相不凡。他日南面必此人也。帝大驚曰。方今聖明在上海內。靖謐。師何故出此赤族語耶。師云。天命素定。雖欲逃之不可得也。倘效其言。幸勿相棄。及帝卽位。屢召師赴闕。諮訪禪旨。恩禮厚隆。至於朝廷政事。咸預決焉。有詔重修其寺。後不知所化。(未完)

阮長祚先生遺草〔續〕

嗣德二十四年八月二十日卑教士阮長祚謹稟

卑竊惟五福富居首兆民食爲天論曰既富而教詩云既富方穀大學論生財之道九經著足財之言孟子陳王道而有常產常心之談王制言國而詳三年九年之蓄九疇食貨居其一九府泉帛列于中吳起言用兵而先以豐其財後用其力晁錯論備邊而云粟多財餘何爲不成可見制治者未有不急于教之財富也天生人類不以空空白白生之而必先生萬物以備其食用道教古經首叙這段而易經亦云有萬物然後有男女這是人類初頭之至緊喫者天又生日以煦之風以和之雨以滋之土以養之水以潤之諸重天之德運動交濟以生成世間衣食之源可見天道亦甚多事于人生財用也人民之於國家也如兒女之於父母其相待之勢最親切如前濟急八條卑云一國猶一身也這是天道已定連絡相關最切之理勢絕無一人能外這理者人能深透這理則凡不忠于國者即是不忠于一國父母之於子也其始生之養之繼而教之習之學業謀生使之成立方有待老之望國家亦是萬民之大父母也不能教習之富而只取其稅不能養育之庶而只催其賦供頓各款然則父母之稱如何大凡世間之事其用之大者則做之甚難人類之用莫大于發財以養生也爲之豈易乎西門豹云王主富民家語云政急民富所謂主者急者豈托之空言乎古者伏羲教民耒耨以開物爲君后稷教民耕稼以農事兆國此豈得謂之賦藝乎書經之工修府治周禮之賞藝罰荒其修治也上因天辰中勸民力下盡地利是以教民各盡生計其丘陵阪險不生五穀者以樹竹木春伐枯朽夏取菓蓀秋播蔬菜冬伐薪蒸以節民資其法收不掩羣不取鼎天不涸澤而魚不焚林而獵豺未

阮長祚先生遺章

卷二

祭獸置學不得布野。獺未祭魚。網罟不得入水。鷹隼未摯。弋羅不得極於谿谷。草木未落。業戶不得探於山林。昆虫未蟄。不得火田。孕育不得殺。穀卵不得窺。魚不長尺不取。彘不期不宰。四海雲至而修封疆。蝦鳴燕降而除道路。陰降百泉則修橋梁。凡此隨節分飭之事甚多。在上之人無不親行督率。如家主之於奴僕。朝斯夕斯。有其事卽有其功。是以古時之民。給足養中。葬死無憾。然後方知禮節榮辱。而好義急公之心生。若爲貧所驅。則父子且不能保。奚暇於興禮義厚風俗乎。夫人有餘則讓不足則爭。讓之一字至治之基。爭之一字大亂之始。是以信在足。食窮則爲奸。民貧而國盛者。古未之聞。今不必遠觀上古數千年之事。惟引今時眼見天下所以致富彊者。在於專以寔用爲教。更詳備倍于古法。試觀西方及西洲二十國。凡爲人上者。惟以督飭富利爲先。而以簿書律例決嘖解煩爲後。蓋其以刑者齊民於有罪之後也。兵者是待民已生暴亂而後殺之也。禮是平安之際。設爲儀節。以飭美觀也。工是修整其用物之具耳。戶是稽查其財貨出入人數多寡而已。凡此等先有其寔事。寔物。然後從而守之治之。以平其用耳。皆在於有事有物之後。善其籌畫處置。以享用之。而非能生利事物之寔也。治者是以法律維持經緯之也。必有法律之所緣者在其先。如和羹者必有鹽梅魚肉。方能烹燂之也。是以彼衆之居官者。不論何部何職。公堂之際。燕會之間。興利去害四字。不離于口。不敢放談別話。恐同僚譏其無心于民也。若夫處刑難務不平者。每日不過四時。不至繼之以燭。視之如餘力學文耳。凡在民間。所有各藝以生財用者。無不設官以司教之。法令所及。而深山如城門然。試觀嘉定源頭。凡有所在林分。每山場人所伐若干木。必樹一小木于傍。而民能安行之如性成者。我國于官路旁樹木。而多以空枝伐樹者。歷明命年間到今。倒而復豎。而事不成。其故何

也。這一至小至易之事。而猶如此。况於大乎。彼衆各國之教民也。如天文、地理、農政、鑛務、海利、山利、江湖利、水局、道路、橋梁、商務、車政、馬政、算法、醫官、樹藝、衣服、食物、屋宇、亭店。以至女童。無不有所職守。而凡事皆合乎人情。不有拂民之願。若欲逐條敷演其善美者。至一大冊亦未能盡。今姑舉其一根本至大至緊是農政者而言之。以見凡事皆然。嘗一鑿而知一鼎之味可也。彼其於農事者。重設試法。凡欲試中而爲農官者。先行略學天文。而知地面燥濕之各氣。圈略有九端。日氣加于風氣一也。地中之熱氣二也。地面距海面高卑三也。地面之形狀四也。山原斜矗之方面五也。距海遠近及向背六也。地殼各層之質七也。田畝荒治。戶口稀稠。這於地氣有相生之理。甚深。非是計算其多少也。八也。四季之常風九也。知各等所向之氣。卽知其動植所宜。次學地理。而分別土質之性。非如天文相對之地理也。亦非如鑛務之地理也。於地味有所宜。食其性合其地味則食。這學甚繁。總歸於植學。別爲一科。而農官則略學之耳。不合其味。則失其食。而不敷榮。其在地面有高卑透截之不齊。如山原湖澤平野之類。逐寸而異。逐尺而殊。其土之有全色雜色。如禹貢之所謂五壤。管子之謂五埴者。以土色而分別其肥瘠及異味。以知樹藝所宜。其次學植物之性。并移栽收藏之宜。凡五穀百菓芋菜葩卉木樹內長外長等類。俱有本性。辛甘澀溫涼寒熱。各各分別其類。其後則學國內凡諸所有田土等差。以及民間園池住宅。視年豐凶而增減其稅。又學地文。節時風雷雲雨霜露冰雪。以及日夜冷煖之殊。值有風雨寒暑。何處當耕。何處當耘。當植當稼。以合乎天氣下降地氣上騰。其田土所有各地面節時如何。俱立成于冊。其最難者風雨多少。運氣每年各有小變。其司天又隨時頒示之。然後參合立成之法。與逐時不同之法。而加減其所當耕作早晚。向上各款是舉其總目而已。其爲學者端緒甚繁。倍於舉子所學決科等書。卑曾與人言學農其難。皆曰

歐陽長祚先生遺草

卷四

之爲迂濶。而不知如此亦非易也。若有試中。卽分補每縣每員。其行事也。遊觀田野。過於農夫。於率緣南畝之時。就一社中言之。凡某社所有田土界限。並各業主所有田分下落。卽按氣節逐田逐名。札與里長傳知其業主所有某處田。某日某時起土。某日某時下稼。當用何粟子。其疎數行列何如。所耕所耘幾次。何時耨本去莠。其蓄洩灌溉何如。一一炤依官法而行。若有差誤。日時則罰無赦。如死罪者。旣巡視於下稼之時。以觀其耕作。又按時巡視自苗以至黃穗。而編明冊內。到熟時官編驗訖。方得收穫。其下等田本利相當。則除其稅。中上等田亦然。假如所出耕作之本十貫外。方炤十貫之利。按例所應納稅若干。每業主所有各等田。通算其所得利歸于何項。上田下稅。計例所應共納干貫。于收場時。先行達札與稅簿在里長。訂以某日某時官員親到里長坐收。若田主不依時將納於回衙後。又不將來。則再札催一次。後次卽賣某產充稅。一定如日月之代明。故其稅未曾有遲欠如我者也。蓋以國家只收其利。而不侵其民家所出耕作之本。無有類開田禾避就。其所應納合其所應得公道。絕無情禮之私。幸免取盈之弊。故民各得其平也。至如園庄山分林分亦然。凡其樹可用之木。可食之材。必依一定官法。其官親行標誌其當樹之處。所宜何木。并指示其移栽培壅各法。待其木已蔚茂。則每年於秋時巡視指畫其樹所當剪刈何枝何向。待其木已合抱可用。或有虫食所應斬伐。則使之斬下收用。而另植一小木于其傍。其業主未曾敢以己意損其一毫。試觀西方于平野田畔。俱有樹木經緯井列。甚爲清陰好看。不特山林而已也。凡此所爲。非特以資其財用。而亦有甚大關係焉。西洲昔時荒蕪未拓。其葱鬱亦如嘉定古時。逮後英佛衣蘭等人。凡無業者。盡集龜趨而至。肆意開破斬伐。盡踏爲田。於來時風雨時若。迨後荆棘已剪。道路已通。田疇極目。靡禾鋪齒。

那時其雨以潮而減。繼而鋤刈如雲。而旱多雨少。不知何故。將一百年有一人精于氣節格物之學。推得其草木當食地中濕氣。到有日薰則吐氣蔓天。蒸而成雲下雨。試觀高山茂木之處。其雨多倍於光野。是其證也。于是所在平野。俱栽樹木于田畔沙埠等處。一望如林。十年之後。而風雨復均如古時然。故至今西人專意栽木于平田者。亦爲此也。試觀又省於夏時上畔多雨。下畔山童野禿。如興元真祿二縣者。其雨甚少。若有餘雨。多自上畔移來。或自鴻嶺四散。是其證也。觀此方知天之所生。最有妙理。無地不有草木。所以變和地氣。宜物宜人。其爲用甚大也。而人不知愛惜之。斧斤無時。牛羊來思。甚至於暑熱時。一星延及一條大山。寸草不留。何況于木。卽如近下畔東城興元梁山夾界之大鑲山。興元南塘之大惠山。青漳之千仞山。到處濯濯。失山之性。卑曾問所近居民。因何放燒。損害甚大。而人俱詫異之。以爲法無所禁。試觀民庶不可與謀。始若此。所以天下俱重于以國法裁制之。以爲樽節愛用。若置其自然。則人人何若。以一已包攬而爲天下用乎。所以西方凡有山林。俱分界限。與兩旁土民之各業主。俱認已分守把。若旁民少力。則賜別民。俱來炤認守把營利。不置有一處無有主認。以歸于朝廷。所謂江山有主者此也。無有如我者置之不問。除上畔大山勢力未及者外。存如下畔間峙各縣內之第二第三等山。雖有兩旁界近符合。而終古窮荒。不時燒破。忍于剪滅。天道生生之大德。而漸絕平野風雨之滋潤。樵蘇之供給。材木之用。收養之資。其故無他。在於無法維制之也。古者入林有禁。今亦不可行乎。天之生林麓也。其用最大。而人輕棄之。不以爲重。故不得其用也。亦宜若能明知造物命地突出山岳之妙意。以阜成人類之大用。方能愛惜之。經理之。不至於使山之英靈有所獻嘲謔笑也。夫天生時地生利。彼各國奉時興利。分行唱率。以勸民力作。而

阮長祚先生遺草

冊六

免遊惰之習。晉臻淳樸之風。彼各國人民之所以致富者。多在於農事。故有一部大官以鼓勵之也。其所以羽翼以添勸相之者。則在於鬪巧之場。而民方知務本之責。故皆勤力趨之。以其下賤者而亦得蒙朝廷褒賞之盛典也。人情既得切己之利。又得朝廷之賞。使國內皆知已名。則孰不致力於其間哉。蓋以如某人精思得一新法。譬如植得甘蔗。秀倍于常。其榨糖亦倍于他蔗。農官卽行親驗其處。而加獎之。更使開明其栽培何法。達于天下。使人皆效法之。不日而聲名溢于都下。凡物類然。試觀嘉定每年鬪巧。這是彼初試其政。然而在下民已不知有多少興頭矣。我國於其田土經界未正。其法多疎。民間所生弊端。國家未得明白之利。其故紆曲如絲。在在皆有萬難枚舉。前濟急正經界條卑已言其弊害之大略。而未及潤澤之法。蓋亦以朝廷於今未盡措意也。一國之所有山河田野邊幅版籍。亦如一家之所有園池田土。苟爲家主。而不能盡知家業所有基圖若干。則于家道爲大欠。朝廷之於民家。其規模甚懸絕。則其經理更明方合體統。今而不能盡知國內地面地質各條。只粗識其大略者。其各條所當急知如前濟急經界條卑所開列者而付之膜外。則於國體爲甚大欠闕也。是以農官一款。正經界大政者也。古來各國行之甚力。中國更詳。天下今時留心致意。又有倍於古。豈其我國別有宇宙異乎人。不行農政亦能致富乎。今卑再舉一大弊端言之。卽如開墾一款。所立覺墾之法。而民間生出無數訟詞。以致多有荒廢不敢報墾。卽如興元之海清社有一頃土約二百畝。爲螻蛄宅。前年有人合伴培養。所費二千貫。其下稼甚秀。只因報墾如何未妥。被人將行發覺。爭占其原主甚忿而棄之。以還螻蛄宅。卑經過目擊甚爲惜之。凡在民間地利未盡墾者。正爲此故。昔者江南多有泥於荒土。而民不敢耕作。以其耕之則被訟連年不解。只爲爭氣而傾家敗產。以

爭刀錐之地。明世祖起自農家。深知此弊。于是著令除成田正供外。若有荒地而能開破者。俾之管業。不論土民外民。不論報墾不報墾。物已有主。先占者得。令下不幾年。而江南以南地面盡爲腴田。于是差官驗明。炤除民所出本者若干。而量其田在民。亦不云不堪受者。以裁酌合宜者也。今我地若有易耕之處。已無遺漏。存餘留荒及難培養者亦多。而民力不能獨行。必有中人之產相合。方能築得一頃。其所勞費培養及報墾勘度甚多。雖其中猶有多漏。然而在民得漏四十五畝。其起耕只得十畝。不猶愈於不得一畝乎。所得贏餘在民。不猶愈虛廢地寶乎。今以四五年之勞費。一旦他人多錢鳴官得賞。已反得罪。人孰無情。誰能堪此。故在民相傳開墾爲大辟也。雖其中有取每畝三貫賞與覺者。而田還原主。然而在民亦有一二處後覺者得田。而得先開者反失。故相傳爲大戒也。既費財費力以開田於其前。又費財受苦以求田於後。若此則以此錢而造買現成田土。坐享其利。不猶愈於多事以自苦乎。至如小民無田者。或有于不成形之餘土墾得一高半尺。則人又以外漏要索。以一立錐之地。而奉承豪里。不若傭食之無屋也。若如明世祖除民有稅額外。存餘俾其自治。他人不得生情。俟後地利已盡。再爲斟酌。經理一番。以歸于平。則前此數年民享初時之利。而漸富給於國家。將有所損乎。至如前時在民所開留荒一款。尤爲糾紛多事。而公私俱無明白應得之分。其弊更如亂髮。難于枚舉。若何日朝廷有意革弊。中請盡陳之。存其所當整革諸大綱。已有前濟急經界條略叙之。今中請設農官一款。凡舉人秀才在家者。揀之以學農政全書。并撰取封域土產所宜彙成一部。使之補習。且學且行。雖未能驟得其大全如天下者。然就中擇其當先者次第舉行。每縣每員。凡一切農政及開荒委之專掌。其園池庄澤山原陂阪等類。以漸畫成圖本。凡前此所有在民各弊。以漸因革整頓。每

日循行指使如農主然。農主當家。思致一家之富。農官當致一縣之富。必有農主勤劬敏幹之心。方能了事。其居處須知古道。並如西方今時官體。不然。行皆不著。試觀嘉定按官剖決雜訟。不忍拘問。恐妨民工。往往訂時親到民家。一日而能處決數十件。只一人騎一馬挾一冊子而已。甘棠善政。孰謂今人不能行乎。若依今時官樣。則又如柳子厚梓人之喻。不惟不能利民而反爲民害。古者田畯至喜。全義見麥則笑。以及知軾京困植桑除罪。如此用心。而其民有不興起乎。如朝廷欲抵于行。先宜議定條例。于一省試行之四五年。粗有效。然後遍行。如其不然。罷之未晚。如卑得從大夫之後。試行一處不效。甘受妄言之罪。前日參知魏大人亦曾與卑議及這款。欲于父省先試行之。而但嫌其未有奉行之人耳。昔者孔聖爲魯司空。而先分別山林川澤丘陵墳衍原濕五土之質。于是植物各得其所生之宜。想古時亦是專門具有書法。遭秦而燬。子路治蒲。其境則田疇盡易。草萊甚辟。溝洫深治。樹木甚茂。而孔聖稱其恭敬忠信。當時聖門師弟所行所稱亦在務本。古者孝悌與力田同科。劉晏以爲王者愛人不在賜與。當使之耕織。元脫脫召募南人耕北地。每歲得粟米百餘萬石。又募修築圃堰之人。各千人爲農師。行之期年。而得大稔。張需治伯州。每里置一冊。編列男女大小數口。其植粟麥桑棗紡績之具。鷄豚之數。一一看驗。暇則下鄉分行賞罰。不二年而民有常產。生理日滋。古之人皆行之者。孰謂今又等之超海之難。其故何也。苟能一定再行農政。而寧心行事之人奉法而行。則從此所生益利不可勝計。經理因之以正永息爭端。民無事。一也。地利既盡。則富庶如掬。二也。國內所有可食可居之處。可以看之掌上。如家主炤管家業。三也。水法開閉道路井列康莊。愈出險阻。愈堅。此是兵法地理四也。廣植樹木。蔽野盈原。所落枯葉腐毒炭氣。浸田而土日益腴。且枯野成林。風雨因之致和。此以人力而迴造。

化五也。稅課日以增多。無有積欠。官不勞而民不擾六也。豐嗇相補。社倉義倉。所在陳腐。量入而爲出。而凶年有備。粒食以平。七也。有鬪巧之例。而民相率學于寔用。栽植之法。日進精妙。利用厚生。多由此出。八也。官民日相遇。日以加親。平易近民。民必歸。九也。地皮形勢盡明。則兵法地理從此可知。十也。有此十大利。而國體培植愈厚。如此而不當急於試行。可乎。官員日夜親到村落教習其民。如父師然。因此而盡遍下情。使一國岩險幽隱萬里如見。一家之中。豈不易于呼應。制治乎。此又其益之最大者也。我國其於農師久已廢而不講。今而忽欲施行。在官則曰不知如何以教。在下則曰日出而作。雨下而耕。何待於教。苟有上段如許利益。今盡天下行之。夫豈無師。且元代所募農師千人。何由而致。今天下其書其人俱存。而在儒書所著農藝亦多。何不廣爲搜求。而只撰集文章。豈其饑來可以煮字乎。救荒別有奇策乎。卑曾留心問之老農老圃。其間亦有獨得一二巧法。惜其不能廣傳。若能曉示。使民所在獻言。而頒賞格。則不日而芸集闕下矣。然後參乎地勢氣節。合與天下新法彙集成書。則其爲教在是矣。上有所好者。下必甚焉。不數年可以由粗而精。于以立成天下之大本矣。這只是卑濟急論中之一條。今以上聞朝廷以爲當行。則於簡定式程。考校書籍。卑亦請粗進管見。以效蕞蕘之一得焉。謹稟。

文苑

西山名臣瑞岩侯詩草

●經禪林故寺感作

寺原爲太師裴得宜邸宅

(文苑) 西山名臣瑞岩侯詩草

+++++

誰使驕愚躡至尊。豈知忠聖懼流言。三年政柄私家議。萬里兵端戰士魂。腐鼠孤雛傷舅氏。落花啼鳥改禪門。憐師無復躋山石。漠漠寒烟遠近村。

(文苑) 西山名臣瑞岩侯詩草

●除夕奉宿直朝房偶得

是夜上御太祖廟奉獻樂歌白官陪侍

爆竹連聲報歲除。忙隨班序直周廬。千門燎影浮青鎖。九廟韶音護玉輿。子半漏分年又始。北邊城遠夜何如。蓼蓼禁院初嚴鼓。坐整朝簪檢表書。

△丁巳元旦試筆于春京邸舍

天開闔闔仰青陽。旦旦昭回日月光。韶護邇聆清廟樂。冠簪近襲御爐香。九街麗色環臯應。萬宅春和屬嶂芒。樽酒凭窗春意足。華髯點點歲添長。

(註) 寓在功廟臣旁三節日廟祀登歌音樂近聞

★人日立春紀興

朔越鷄年日屬人。斗回參尾歲開新。絳闌彩燭繁花地。葭管祥風煦煖辰。萬戶烟花留繡帖。四城車馬轉香塵。韶芳風物吟杯裏。鶯柳誰家訪比鄰。

●寄示諸兒郎

新年喜我歲添齡。更喜兒郎各長成。觀轡康強趨省閣。書帷團聚守門庭。琢磨正要勤爲學。溫省無勞遠致情。春帖一通當面訓。弄孫還待醉池亭。

●春日記閒三作

其一 披拂條風滿屋簷。孤窗展鏡攝霜髯。品春句就詩腸澀。辟冷杯殘酒債添。客次居諸愁寂寞。老來動處適安恬。鶯花不少逢迎意。時眺韶容一揭簾。

其二 四顧町畦一草庵。綠燕遠近燕呢喃。寢屏宴起日初午。吟座涼生風自南。密院初稀慵待漏。禁城春好邇停驂。乾坤到處供吾興。點綴雲山入笑談。

其三 蕉園繞徑翠成行。禾隴侵門綠插秧。收拾春風歸邸舍。逍遙暇日占村庄。菜蔬顧藝僅鋤倦。烟靄供吟姪筆忙。韶景一庭躬拂弄。瘦藤牽引遍池塘。